



BASES REGULADORAS DE INSCRICIÓN NOS CAMPAMENTOS SEMANA SANTA 2026

As presentes bases regularan o proceso de inscrición nos campamentos de Semana Santa denominados 'Campamentos de Primavera' que terán lugar **os días 30,31 de marzo e 1 e 6 de abril de 2026**, organizadas polo Concello de Barbadás e o acceso ao mesmo.

Trátase dunha actividade lúdica que ten como obxecto dinamizar a participación dos nenos e nenas do municipio e conciliar a vida familiar e laboral na que se desenvolverán actividades como traballos manuais, xogos, cine, e saídas, etc.

As sesións do campamento serán de 8.30 a 14.00 horas da mañá.

A recollida dos/as participantes poderá realizarse ata as 14.15 h.

1. NÚMERO DE PRAZAS

1.1 Ofértanse un total de 40 prazas divididos por grupos de idade:

- **20 prazas** para rapaces nados entre o ano 2020 e 2022.
- **20 prazas** para rapaces nados entre o 2014 e 2019.

2. PRAZOS

2.1 O prazo de inscrición será desde o día 2 ao 9 de marzo de 2026 (ámbolos dous incluídos) podéndose ampliar este prazo no caso de non cubrir a totalidade das prazas.

2.2 Tanto a listaxe provisional como a definitiva publicarase na páxina web do Concello de Barbadás (www.barbadas.es)

2.3 A listaxe provisional de admitidos/as publicarase o día **12 de marzo**.

2.4 A listaxe definitiva publicarase o día **18 de marzo**.

3. REQUISITOS E ADXUDICACIÓN

3.1 Será requisito indispensable para a adxudicación da praza cumprir os criterios de idade (como mínimo cumprir ou ter cumpridos os 3 anos antes do inicio da



Concello de Barbadás

actividade e que aínda non teñan cumpridos os 13 anos)

3.2 No caso de que o número de prazas solicitadas non supere o número de prazas ofertadas, a adxudicación de prazas realizarase de forma directa e inmediata.

3.3 No caso de que o número de prazas solicitadas supere o número de prazas ofertadas, a orde de prioridade establecerase tendo en conta os seguintes criterios:

1º O/a menor solicitante estea empadroad/a no Concello de Barbadás

2º Os/as proxenitores/as estén traballando no periodo solicitado de disfrute da actividade.

- No caso de empate, a letra "M" establecerá a orde de prioridade segundo o criterio establecido na Resolución do 22 de xaneiro de 2026 pola que se fai público o resultado do sorteo ao que se refire o Regulamento de selección de persoal da Administración da Comunidade Autónoma de Galicia (DOG núm 16, de 26 de xaneiro de 2026).

3.4. Os/as solicitantes non admitidos pasarán a formar parte dunha lista de agarda, seguindo a orde establecida no apartado anterior.

3.5. Para os/as solicitantes que se atopen no artigo 8 das bases seguirase o mesmo procedemento.

3.6. As solicitudes presentadas fóra do prazo sinalado no punto 2.1 estarán suxeitas á existencia de prazas libres.

3.7 É obrigatoria a asistencia aos catro días de campamento. Se algún participante non asiste á actividade sen unha razón debidamente xustificada, só poderá acceder ao seguinte campamento gratuíto no suposto que haxa prazas libres e a través da lista de espera.

3.8 Só se permitirán como xustificantes válidos de falta de asistencia o xustificante médico por enfermidade ou ingreso do/a neno/a ou de familiar co que conviva.

Calquera outro xustificante que se achegue poderá admitirse no suposto de causa de forza maior cando sexa necesario por motivos relacionados co menor ou familiares ou persoas que conviven co menor, e quedará suxeito á valoración da Concellería correspondente.



4. DOCUMENTACIÓN A ACHEGAR

4.1 Deberá presentarse o modelo de solicitude para este procedemento debidamente cumprimentado e a seguinte documentación:

- No caso de traballadores por conta allea: certificado da empresa en que se acredite o seu horario laboral.
- No caso de traballadores por conta propia (autónomos) : declaración xurada con indicación da xornada laboral, e o último recibo en vigor da Tesourería Xeral da Seguridade Social, de pago do RETA.
- No caso de que o/a menor conviva só cun dos seus proxenitores e non sexa familia monoparental: deberán achegar, ademais do anterior, sentenza de separación/divorcio, convenio regulador ou medidas paterno-filiais nas que se especifique o proxenitor o que pertence a custodia do menor.
- No caso de familias monoparentais:deberán achegar ademais do anterior libro de familia.
- No caso de que non exista vínculo matrimonial, e ambos proxenitores convivan co menor, deberán achegar, ademais do anterior: certificado de convivencia expedido polo Concello.

4.2 Os datos reflectidos na documentación presentada deberán ser certos na súa totalidade; de non ser así, suporá a baixa automática e a perda de todos os dereitos de participación na actividade.

5. INSCRICIÓNS

5.1 As inscricións realizaranse por unha das seguintes formas:

- De forma telemática a través da sede electrónica do Concello de Barbadás <https://barbadas.sedelectronica.gal/>.
- De forma presencial no rexistros municipais:
 - Na Casa do Concello- Cimadevila 1, Barbadás
 - Nas Oficinas Municipais da Valenzá. Rúa do Viso 2, A Valenzá.
- En calquera dos rexistros establecidos no artigo 16 da Lei 39/2015.

5.2 O horario das oficinas municipais para realizar a inscricións de forma presencial será de luns a venres en horario de 8.30 a 14.30 h.



6. CUSTO DA PRAZA

6.1 A actividade será gratuíta para os/as menores participantes no campamento.

7. CHAMAMENTO EN LISTA DE ESPERA

7.1 No suposto de que haxa prazas vacantes, chamarase por rigorosa orde aos/as solicitantes en lista de espera. Realizarase un total de 2 chamadas e de non ser posible a comunicación telefónica, chamarase ao seguinte solicitante da lista.

8. PERSOAS CON DISCAPACIDADE FUNCIONAL.

8.1 Os/as menores que teñan unha discapacidade igual ou superior ao 33% poderán participar nesta convocatoria cumprindo os seguintes requisitos:

- Facer constar dita condición no apartado que figura no impreso de solicitude. Que no certificado de recoñecemento de discapacidade non se recolla a necesidade de axuda de terceira persoa.

- Ter capacidade de integración no grupo e que as súas limitacións e/ou necesidades especiais lles permitan participar e beneficiarse das actividades programadas que se van a desenvolver.

8.2 Como para o resto das persoas solicitantes, en función de algunha limitación, dificultade, discapacidade ou impedimento que padezan e lles impida beneficiarse das actividades programadas, poderá excepcionarse a súa participación neste programa.

9. LUGAR E HORARIO DA ACTIVIDADE

A actividade terá lugar no **Espazo Infantil (Parque da Solaina, A Valenzá)** en horario de **8.30 a 14 horas** os días **30,31 de marzo, 1 e 6 de abril de 2026**.



Concello de Barbadás

10. ORGANIZA

Concello de Barbadás

Teléfono de Información: 988000234 (Casa da Mocidade)

Teléfono durante o desenvolvemento da actividade: . 988391526 (Espazo infantil)

E-mail: xuventude@barbadas.es

A participación nos campamentos suporá o cumprimento e aceptación destas bases.